

**MANTIQIY FIKRLASH VA MATEMATIKA****Atanov Baxodir Abdumatalovich**

*Respublika o‘g‘il bolalar o‘quv tarbiya muassasasi matematika fani  
o‘qituvchisi*

**Annotatsiya.** Ushbu maqolada o‘rta umumta‘lim maktabi o‘quvchilarining mantiqiy fikrlash qobiliyatlarini oshirish, mustaqil fikr yuritish qobiliyatini rivojlantirish, shuningdek, mantiq ilim qonun-qoidalarini atroflicha muhokama qilingan.

**Kalit so‘zlar:** mantiq, zaruriy, qonuniy, bog’lanishli nutq, aloqa, tartib, fikr yuritish, qobiliyat.

**KIRISH**

“O’zingni bilsang - olamni bilasan” degan edi buyuk yunon faylasufi Suqrot. Inson hamma, vaqt kundalik hayotda ham, ilmiy faoliyatda ham fikr yuritadi. Ammo mantiq ilmini bilmasdan turib fikr yuritishi mushkil. Mantiq olamdagi qonuniy, zaruriy bog’lanish va aloqalar, tartib va izchillik, tafakkurning ichki aloqadorligi, turli qarashlar orasidagi mantiqiy bog’lanishlarni o‘z ichiga olgan bo’lib, insonni hech bir narsaga befarq bo’lmay, sinchkov qarashga, har bir voqeа - hodisaga holis baho berishga, shu yo’l bilan muntazam va izchil fikr yuritish va har qanday oqilona fikrni isbotlay bilishga o’rgatadi. Mantiq ilmi qonun – qoidalarini atroflich o’rganish va mustaqil fikr yuritish qobiliyatini rivojlantirish orqali amaliy hayot uchun kerakli xulosalar chiqarish, davr ruhini anglash, voqeа – hodisalarni haqqoniy tahlil qilish oson kechadi.

**TADQIQOT NATIJALARI**

Mantiq ilmining ta’lim – tarbiya jarayonidagi ahamiyati beqiyosdir. Zero, ilm – fan jadal rivojlanayotgan bir paytda ilmiy tadqiqotlar olib borish hamda ilmiy – nazariy tajribalar orqali to’plangan ma’lumotlarni samarali tahlil qilib borish mantiqiy ilimni mukammal bilishni taqozo etadi.

Mantiq ilmi “qiycin” fanlar qatoriga kiradi. Shu bois uni muvaffaqiyatli o’zlashtirishning yo’li, olingen nazariy bilimlarni amaliy mashg’ulotlar bilan mustahkamlashdir. Unda berilgan masalalarning biri oddiy bo’lsa, boshqasi chuqur fikr yuritish orqali, yana biri esa tajriba asosida echimini topadi. Tafakkur masalalarini echish uchungina emas, balki mantiqiy fikrlash, mantiq ilmi qoidalaridan xabardor bo’lish lozim bo’ladi.

Fikrlash – insonning aniq dalillarni kuzatib, umumiyl xulosa chiqarishga intilish, voqeа hodisalarni sabablarini aniqlash va kelajakni oldindan ko’ra bilishdan boshlanadi. Fikrlash masalalarini echish mulohaza yuritish orqali

talabalarning dunyo qarashida o'ziga hos hususiyatlar takomillashadi, yani fikrning chuqurligi, kengligi, o'tkirligi, tanqidiyliги, fikrlash tezligi va mustaqilligi muhim ahamiyatga egadir. Aql – farosat murakkab nazariy va amaliy muammolarni hal etishdagina emas, balki kishining juda oddiy, odatdagи kundalik ishlarida ham namoyon bo'ladi. Bu jihatdan yunon faylasyfi Demokrit hayotidan olingan voqeа iibratlidir. Kunlarning birida Demokrit juda ustalik bilan bog'langan katta bir bog'lam o'tinni sira qiyalmasdan ko'tarib ketayotgan bir yigitni uchratib qoladi. Demokrit yigitdan o'tinni sochib tashlashni va yana ilgaridek tahlab bog'lashni iltimos qiladi. Yigit uni iltimosini bajaradi va epchillik bilan o'tinni tahlab bog'laydi. Shunda Demokrit "Xoy yigit, sen shunchalik aql – farosat egasi ekansanki, yuksak ishlar bilan shug'ullanmog'ing lozim" deydi va uni shogirdlikka oladi. Keyinchalik o'tinchi yugit mashhur faylasyf bo'lib etishadi.

Masalani yechishda fikrlash jarayonlari quyidagicha amalga oshiriladi:

- 1) Avvalo hal etilishi lozim bo'lgan muammo aniqlab olinadi. Chunki muammo bo'lmasa odam hech narsa haqida o'ylamaydi. Hal etish kerak bo'lgan masalani yechish uchun uning mohiyatini to'la tushunish, masala shartini tahlil qilish, nima berilgan va nimani topish kerakligi haqida mulohaza yuritiladi.
- 2) Masalani yechish uchun kerak bo'lgan bilimlar (qoida, dalil, qonun, teorema, ta'rif) ishga solinadi. 3) Gipoteza, yani tahminlar o'rtaga tashlanadi, tahminlardan eng to'g'risi tanlab olinadi. 4) Masala yechiladi, natija tekshiriladi.

**1-masala:** "Ettita sham yonib turibdi, ularni ikkitasi o'chirildi. Nechta sham qoldi?" Mulohaza yuritishni quyidagicha olib borish kerak.

1) Ikkita sham o'chirilsa nechta sham yoniq qoladi?

- "5" ta.

2) Yonib turgan sham nima qiladi?

- "eriydi"

3) Biroz vaqtadan keyin nima bo'ladi?

- "erib tugaydi"

4) Unda nechta sham qoladi?

- "ikkita"

**2-masala.** Bir kishi bozorga bir savat olma olib keldi. U 1- haridorga jami olmalarni yarmini va yana 1 dona olma, 2- haridorga qolgan olmalarning yarmini va yana 1 dona olma sotdi. Shundan so'ng uning savatida 14 dona olma qoldi. Kishi bozorga jami nechta olma olib kelgan?

Yechish:

1- usul 1)  $(14+1) \times 2 = 15 \times 2 = 30$ (ta) 1-haridor olgandan keyin savatdagi olmalar.

2)  $(30+1) \times 2 = 31 \times 2 = 62$ (ta) jami olmalar.

2- usul  $(X:2-1):2-1=14$

$$(X:2-1):2=14+1$$

$$(X:2-1):2=15$$

$$X:2-1=15 \times 2$$

$$X:2-1=30$$

$$X:2=30+1$$

$$X:2=31$$

$$X=31 \times 2$$

X=62. Javob: Kishi bozorga 62(ta) olma olib kelgan.

**3-masala:** Alisherning uyida qo'ylar va tovuqlar boqiladi. Alisher sanab ko'rganda ularning boshlari 42(ta), oyoqlari esa 144(ta) chiqdi. Ularning uyida nechta qo'y va nechta tovuq bor?

Yechish:

1-usul: 1)  $42 \times 4 = 168$ (ta)

2)  $168 - 144 = 24$ (ta) tovuqlarning oyoqlari

3)  $24 : 2 = 12$ (ta) tovuqlar soni.

4)  $42 - 12 = 30$ (ta) qo'yalar soni

2-usul: Alisherni uyidagi qo'yalar sonini X deb olamiz. Jami qo'y va tovuqlar sonidan qo'yalar sonini ayirsak, tovuqlar soni kelib chiqadi, yani tovuqlar sonini  $42-x$  deb olamiz. Qo'yarda 4(ta), tovuqlarda 2(ta) oyoqlar borligini inobatga olib, tenglama tuzamiz.  $4x + (42-x) * 2 = 144$

$$4x + 84 - 2x = 144$$

$$4x - 2x = 144 - 84$$

$$2x = 60$$

$$X = 60 : 2$$

$$X = 30 \text{ (ta qo'yalar)}$$

$$42 - 30 = 12 \text{ (ta tovuqlar)}$$

Javob: Alisherni uyida 30(ta) qo'y va 12(ta) tovuq bor.

### XULOSA

Mantiqiy fikrlash o'quvchi va talabalarda mantiqiy fikr yuritish madaniyatini o'stirishga, masala yechish uchun zarur bo'lga bilimilar (qoida, dalil, qonun, teorema, ta'rif) ishga solishga, to'g'ri fikr yuritishga, babs munozara paytida o'zining va boshqalarning fikr – mulohazalariga tanqidiy munosabatda bo'lishga, hozir javoblikka, suhbatdoshning fikr – mulohazalaridagi xatolarni anglashga yordam beradi. Shuningdek haqiqatni aniqlsh, uni yoqlab chiqish, asoslash uchun mantiqiy qoidalardan foydalana bilish, o'z fikrini lo'nda va ishonarli qilib bayon etish ko'nikmalarini hosil qiladi.

### FOYDALANILGAN ADABIYOTLAR RO'YXATI:

1. Jumayev.M.E. Boshlang'ich sinflarda matematika o'qitish metodikasidan praktikum (OO'Yu uchun) Toshkent "O'qituvchi" nashriyoti, 2004 yil

2. R.A.Habib. O'quvchilarni matematik tafakkurini shakillantirish Toshkent “O'qituvchi” nashriyoti, 1980 yil.
3. INTERNET MA'LUMOTLARI

